



Olga P. Bertelsen
Inatsisartut
-/maani

ADHD pillugu § 37 naapertorlugu apeqqutigineqartup 232/2011-p akineqarnera

Matumuuna Olga P. Berthelsen ADHD pillugu apeqquteqarneranut qujaffigaara, taakkulu ataasiakkaarlugit ataani akissuteqarfignissavakka.

1. *Nunatsinni ADHD-mik eqqugaasimasut napparsimaveqarfimmi nalilernerqaraangamik nappaateqartutut imaluunniit innarluuteqartutut nalilernerqartarpat?*

Peqqinnissaqarfimmi ADHD nappaatitut isigineqarpoq, tamannalu paasisat arlallit malillugit nappaatit allat assigalugit suussusersineqartarpoq. Nappaat ADHD inuttut atugarisatigut kinguneqarsinnaavoq. Tamakku artornarlutillu sivisuumik atugaasimappata oqartoqarsinnaalissaaq inuk nappaateqarnermigut innarluuteqalersimasoq. ADHD-mik nappaateqartoq immikkut ittumik ikiorserneqarnissamik pisariaqartitsippat Annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersoq kingusinnerusukkullu allanngortinneqartoq kiisalu nalunaarutininik ilaqartoq malillugu pineqartup ikiorserneqarnissaa akuersissutigineqarsinnaavoq.

§ 37.1 173/2011-p akineqarnera aamma "Tarnikkut nappaatilinnik sullissinermut tungasut pillugit nassuiaat, 2010" peqqinnissaqarfiup suliniutaanik saqqummiussaqaarfiusut innersuussutigissavakka.

2. *Nunatsinni inuusuttut qassit ADHD-mik eqqugaasimanersut ilisimaneqarpa aammalu misissuiffigineqarsinnaanerat Naalakkersuisunit qanoq eqqarsaatersuuteqarfigneqarpa?*

Meeqqanut tarnimikkut nappaateqartunut siunnersortit nalunaarutaat malillugit meeqqat inuusuttullu 160-it missaat ADHD-mik nappaateqartutut nalilernerqarsimapput. Taakkua kalaallit meerartaasa 1 %-it missigaat. Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfimmit ilisimaneqarpoq 31. december 2010-mi katillugit inuit 48-t ADHD-mik nappaateqartutut nalilernerqarsimasut, taakkulu innarluutilinnut inatsisit malillugit ikiorserneqartartuullutik. Ukiuinut agguarlugit 19-it 15-it inorlugit ukioqarput, 15-it 15 aamma 18-it akornanni ukioqarput, 14-illu 18-it sinnerlugit ukioqarlutik. Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik inuit annertuumik innarluutillit qassiunerinut kisitsisitigut paasissutissanik siunissami kommuniniit ukiumoortumik tigusaqartalissaaq, taakkunungalu ilaassapput ADHD-mik nappaateqartutut nalilernerqartut. Peqqinnissaqarfik massakkut ilisimasat malillugit neqeroorutininik ingerlaavartumik naleqqussaasarpoq, taamaattorli allatut misissuisoqarnissaanik pilersaaruteqarani.

3. *ADHD pillugu Nunatsinni periusisslamik suliaqartoqarnissaa siunertaralugu Naalakkersuisut suliniuteqarnissamik pilersaaruteqarpat?*

13. december 2011
Sagsnr. 2011-058696
Dok. Nr. 782383

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

Tarnikkut nappaateqarneq Naalakkersuisunit qitiutillugu sammineqarpoq, massakkullu "Tarnikkut nappaatilinnik sullissinermut tunngasut pillugit nassuiaat, 2010"-p piviusunngortinnissaanut suliaqartoqarpoq 2012-imi upernaakkut ataatsimiinnermi saqqummiunneqartussamik, kisiannili ADHD-p qanoq atugaatiginera naapertorlugu iliusissatut periusissatullu immikkut pilersaarummik aallartitsinissamik peqqinnissaqarfik pilersaaruteqamani.

Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik/IPIS immikkoortoqarfiit assigiinngitsut akimorlugit suleqatigiissitaliamik aallartitsisimapput, tassanilu inuit ilisimasallit katsorsakkaminnik ulluinnarni naapitsisartut ajomartorsiutit ADHD-ertutut nalilerneqartut atugaat oqallisigisarpaat. Suleqatigiissitaliaq immikkoortoqarfiit akimorlugit suliniutissanut suleqatigiinnissamullu periusissanut siunnersuutitik suliaqassaaq.


4. 1994-mi WHO-p nappaatit pillugit immikkoortitereriaasiat (*International Classification of diseases, ICD-10*) Qallunaat nunaanni atuutilerpoq. Taanna Nunatsinni ADHD-mut tunngatillugu atuuppa?

Aap, immikkoortitereriaaseq taamaattoq Nunatsinnissaaq atorneqarpoq.

5. ADHD-mut atatillugu nakorsaatit Nunatsinni qanoq annertutigisumik atorneqarpat?

Aap. ADHD-mut nakorsaatitik atuineq Peqqinnissaqarfimmit ingerlaavartumik malinnaaffigineqarpoq. Nakorsaatitik taakkuninnga atuineq "Tarnikkut nappaatilinnik sullissinermut tunngasut pillugit nassuiaat, 2010" malillugu 2002-mi 5.960-iniit 2008-mi 25.240-nut qaffariarsimavoq.

Inussiarnersumik inuulluaqqusillunga



Agathe Fontain